



**ЎЗБЕКИСТОН РЕСПУБЛИКАСИ**  
**ОЛИЙ ВА ЎРТА МАХСУС ТАЪЛИМ ВАЗИРИНИНГ**  
**БУЙРУҒИ**

2021 йил “3” май

№ 208

Тошкент ш.

Таълим муассасалари талаба-  
ўқувчилари ўртасида турли  
мавзуларни ўз ичига олган  
танловларни ўтказиш тўғрисида

Ўзбекистон Республикаси Олий ва ўрта махсус таълим вазирлиги ва Республика Маънавият ва маърифат маркази томонидан 2021 йил 28 январда тасдиқланган Олий ва ўрта махсус таълим вазирлиги тизимида маънавий-маърифий ишларнинг янги тизимини яратиш бўйича 2021 йил биринчи ярим йиллиги учун “Йўл харитаси” ҳамда Олий ва ўрта махсус таълим вазирлиги ва Ёшлар ишлари агентлиги томонидан 2021 йил 29 январда тасдиқланган Ёшлар ўртасида маънавий-маърифий ва тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан чора-тадбирлар дастурининг тегишли бандларида белгиланган вазифалар ижросини таъминлаш мақсадида

**Б У Й У Р А М А Н:**

Куийдагилар:

1. Танловларнинг ташкилий ишчи гуруҳи 1-иловага мувофиқ, “Жаҳолатга қарши маърифат” мавзусида ўтказиладиган “Энг яхши плакат” номинациясидаги танлов Низоми 2-иловага, “Миллий ғоя тарғиботи” видеороликлар танлови Низоми 3-иловага, “Мен диний экстремизм ва терроризмни қандай тушунаман?”, “Ўзбекистонлик эканлигимдан фахрланаман” мавзуларида ўтказиладиган “Энг яхши мақола” кўрик-танловининг Низоми 4-иловага, “Биз севган адиб” видеороликлар онлайн танлови Низоми 5-иловага, Ўзбекистон Республикаси мустақиллигининг 30 йиллиги муносабати билан “Расмлар” ва “Видеороликлар” онлайн танлови Низоми 6-иловага, “Миллий мақом санъати” республика фестивалининг Концепцияси 7-иловага, “Мен нечун севаман Ўзбекистонни” мавзусидаги танлов Низоми 8-иловага, “Заковат” интеллектуал турнири Низоми 9-иловага, “Ватан тараққиётига менинг ҳиссам” мавзусидаги иншолар танлови Низоми 10-иловага, “Маънавият фидойиси” кўрик-танлови Низоми

11-иловага, “Баҳор нафаси” талаба-ёшлар ўртасида онлайн-фототанлов Низоми 12-иловага, “Энг яхши блогер” онлайн танлови Низоми 13-иловага, “Устоз ва мураббийлар куни” мавзусида онлайн-аудио-видео ва шеърлар танлови Низоми 14-иловага, “Шахмат-шашка” мусобақаси танлови Низоми 15-иловага, “Тил билимдонлари” онлайн интеллектуал ўйини 16-иловага, “Ўзбекистон ёшлари бузгунчи ғояларга қарши” мавзусида ўтказиладиган “Энг яхши видеоролик”, “Энг яхши инфографика” номинациялари бўйича масофавий республика танлови Низомлари 17-иловага, “Конституция – фаровон ҳаётимиз пойдевори”, “Коррупция – тараққиёт кушандаси” мавзуларида “Энг яхши иншо” танловининг Низоми 18-иловага, “Одам савдоси – давр муаммоси” мавзусидаги ижодий ишлар танлови Низоми 19-иловага, “Китобхон талаба” республика танлови Низоми 20-иловага ҳамда танловларни ташкил этиш ва ғолибларни тақдирлаш билан боғлиқ харажатлар сметаси 21-иловага мувофиқ тасдиқлансин.

2. Ташкилий ишчи гуруҳи раҳбари (Ю.Абсоатов):

танловларнинг барча босқичларини юқори савияда ўтказилишини танлов режасига мувофиқ таъминласин;

танлов доирасида ташкил этиладиган тадбирларни шаффоф ва адолатли ўтказилишини таъминласин ҳамда ғолибларни моддий ва маънавий рағбатлантириш чораларини кўрсин.

3. Маънавий-ахлоқий тарбия бошқармаси (О.Базаров), вазирлик ҳузуридаги “Маънавият ва маърифат” маркази (И.Суванов):

мазкур танловларни белгиланган муддатларда ўтказиш ва у билан боғлиқ бўлган барча ташкилий-амалий ишларни амалга оширсин;

танловларда ғолиб бўлган, шунингдек фаол иштирок этган қатнашчиларни моддий ва маънавий рағбатлантириш юзасидан таклифлар тайёрласин ва Ташкилий ишчи гуруҳга киритсин;

танловларнинг Республика босқичида ғолиб бўлган талаба-ёшларлар учун Олий ва ўрта махсус таълим вазирлигининг махсус диплом ва фахрий ёрликларини тайёрласин.

4. Олий таълим муассасалари ректорлари, филиаллар директорлари, Касбий таълимни ривожлантириш ва мувофиқлаштириш ҳудудий бошқармалари:

Танловларда олий таълим тизимида таҳсил олаётган ихтиёрий равишда иштирок этиш истагини билдирган талаба-ёшларнинг танловлар доирасида ўз иқтидорини намоён қилишига шароитлар яратсин;

талаба-ёшлар ўртасида танловларнинг мазмун-моҳиятини кенг тарғиб қилиш ҳамда таълим муассасаларининг веб-сайтлари ва ижтимоий тармоқларда танлов ҳақида материаллар бериб борсин;

танловларнинг барча босқичларини низомлар талабларига мувофиқ юқори савияда ўтказиш, танловлар ғолибларини рағбатлантириш ҳамда уларнинг ота-оналарига “Ташаккурнома”лар етказсин;

танловларнинг якуний босқичига ўтганларнинг ижодий ишларини ўрнатилган тартибда вазирлик ташкилий кўмитасига тақдим этиш вазифаларини таъминласин.

5. Иқтисодиёт бошқармаси (М.Ҳамраев):

Танловлар Ташкилий-ишчи гуруҳи тақдимномасига асосан танловлар ғолибларини тақдирлаш билан боғлиқ харажатларни 3-иловадаги смета асосида вазирликнинг олий таълим муассасаларини ривожлантириш жамғармаси маблағлари ҳисобидан ўрнатилган тартибда қоплаш чораларини кўрсин.

6. Республика босқичини юқори савияда ташкил этган Танловлар ташкилотчилари бир ойлик миқдорда бир марталик рағбатлантирилсин.

7. Мазкур буйруқ ижроси назорати вазир ўринбосари Ю.Абсоатов зиммасига юклатилсин.

Вазир



А.Тошкулов



Вазирликнинг 2021 йил "3" май даги  
208 -сон буйруғига 1-илова

**Таълим муассасалари талаба-ўқувчилари ўртасида турли мавзуларни  
ўз ичига олган танловларни ўтказиш бўйича  
Ташкилий ишчи гуруҳи  
ТАРКИБИ**

1. Ю.Абсоатов - Вазир ўринбосари, ташкилий қўмита раҳбари
2. О.Базаров - Маънавий-ахлоқий тарбия бошқармаси бошлиғи, аъзо
3. С.Усманов - Ахборот хизмати бошлиғи – матбуот котиби, аъзо
4. М.Ҳамраев - Иқтисодиёт бошқармаси бошлиғи, аъзо
5. И.Суванов - Вазирлик ҳузуридаги “Маънавият ва маърифат” маркази директори, аъзо
6. М.Мусаев - Республика Маънавият ва маърифат маркази бўлим бошлиғи, аъзо
7. Э.Қодиров - Талабалар спорти Ассоциацияси раис ўринбосари, аъзо
8. А.Холмахматов - Ёшлар ишлари агентлиги бошқарма бошлиғи, аъзо
9. Б.Эргашев - Ёзувчилар уюшмаси раис ўринбосари, аъзо
10. Н.Понсатова - Вазирлик ҳузуридаги “Маънавият ва маърифат” маркази бўлим бошлиғи, аъзо
11. М.Бойсариев - Вазирлик ҳузуридаги “Маънавият ва маърифат” маркази бўлим бошлиғи, аъзо
12. Ш.Рахмонов - Вазирлик ҳузуридаги “Маънавият ва маърифат” маркази бўлим бошлиғи, аъзо
13. И.Чориев - Вазирлик ҳузуридаги “Маънавият ва маърифат” маркази бўлим бошлиғи, аъзо
14. Н.Бобоназаров - Вазирлик ҳузуридаги “Маънавият ва маърифат” маркази бўлим бошлиғи, аъзо